

Na osnovu člana 12. i 14. Zakona o udruženjima i fondacijama Bosne i Hercegovine («Službene novine 45/2)) i člana 6. Odluke broj 45-08-2010 o osnivanju udruženja Kuglaškog saveza Federacije Bosne i Hercegovine Osnivačka Skupština Kuglaškog saveza Federacije, na sjednici održanoj 26.08.2010. godine u Vogošći donosi

STATUT KUGLAŠKOG SAVEZA FEDERACIJE BOSNE I HERCEGOVINE

I - NAZIV UDRUŽENJA

Član 1.

Naziv udruženja je Kuglaški savez Federacije Bosne i Hercegovine (u daljem tekstu: Kuglaški savez KSFBiH). Kuglaški savez FBiH je sportsko udruženje koga čine osnivači: Kuglaški klubovi, «Željezničar» Sarajevo, „Brotinjo-Citluk“ Citluk, i „Brioni“ Vogošća koji se dobrovoljno udružuju radi ostvarivanja zajedničkih ciljeva u oblasti kuglaškog sporta na teritoriji Federacije Bosne i Hercegovine i na teritoriji Bosne i Hercegovine.

Član 2.

Skraćeni naziv Kuglaškog saveza Federacije Bosne i Hercegovine je: KSFBiH.

Sjedište Kuglaškog saveza Federacije Bosne i Hercegovine je sa sjedistem u Ilijašu : Novo naselje 85, 71.380 Ilijas.

Član 3.

Naziv Kuglaškog saveza Federacije Bosne i Hercegovine , kao i sve oznake i normativna akta Saveza, pišu se na tri službena jezika koji su u upotrebi u Bosni i Hercegovini u skladu sa Ustavom Bosne i Hercegovine.

Član 4.

Kuglaški savez Federacije Bosne i Hercegovine djeluje na cijeloj teritoriji Federacije Bosne i Hercegovine i bavi se amaterskim kuglaškim sportom. Djelovanje i rad Kuglaškog saveza Federacije Bosne i Hercegovine je u okviru Kuglaskog saveza Bosne i Hercegovine.

Kuglaški savez Federacije Bosne i Hercegovine je nevladina, nestranačka i nepolitička organizacija.

Član 5.

U okviru Kuglaškog saveza Federacije Bosne i Hercegovine moguće je formirati sekcije bole, šere i bowling, s tim da se te sekcije samostalno finansiraju. U finansiranju svojih aktivnosti ne mogu koristiti finansijska sredstva članica sekcije klasik.

Moguće je formiranje kantonalnih, regionalnih i opštinskih kuglaških saveza nakon dostignutog odgovarajućeg stepena razvoja i formiranjem novih klubova u skladu sa osnovama utvrđenim u stavu 1. ovog člana.

II – CILJEVI UDRUŽENJA

Član 6.

Ciljeva udruženja Kuglaškog saveza Federacije Bosne i Hercegovine su:

- 1) obezbjeđivanje rada Kuglaškog saveza Federacije Bosne i Hercegovine po Statutu i drugim opštim aktima Kuglaškog saveza Federacije Bosne i Hercegovine, kao i aktima Kuglaškog saveza BiH te međunarodne kuglaške federacije NBC u WNBA i FIQ (u daljem tekstu: NBC);
- 2) obezbjeđivanje ravnopravnosti svih članova Kuglaškog saveza Federacije Bosne i Hercegovine bez obzira na rasnu, vjersku i nacionalnu pripadnost i onemogućavanje diskriminacije po bilo kom osnovu, u skladu sa Zakonom i evropskim konvencijama;
- 3) planiranje izgradnje, održavanja i korištenja objekata u kojima se održavaju sportska takmičenja i treninzi na cijeloj teritoriji Federacije BiH;
- 4) saradnja sa drugim sportskim asocijacijama i organizacijama u Federaciji BiH i nadležnim državnim organima;
- 5) borba protiv upotrebe narkotika i drugih stimulativnih sredstava u sportskim organizacijama;
- 6) razvoj, osposobljavanje i unaprijeđenje kuglaškog sporta na cijelom prostoru Federacije BiH;
- 7) medijska promocija kuglaškog sporta u Federaciji BiH, te organizovanje kuglaških takmičenja u Federaciji BiH i te učestvovanje na takmičenjima koja donosi Kuglaški savez BiH.
- 8) aktivno učešće Kuglaškog saveza Federacije BiH u radu Kuglaškog saveza BiH te u NBC-u i saradnja sa kuglaškim savezima drugih država učlanjenih u NBC.

III – POSTUPAK ZA PRIJEM I ISKLJUČENJE IZ ČLANSTVA KUGLAŠKOG SAVEZA FEDERACIJE BiH

1. Prijem novih članova

Član 7.

Svaki registrovani kuglaški klub na teritoriji Federacije BiH, može postati član Kuglaškog saveza Federacije BiH na način predviđen u odredbama člana 9. i 10. ovog statuta.

Član 8.

Kuglaški klub koji želi postati član Kuglaškog saveza Federacije BiH dužan je podnijeti pismeni zahtjev za prijem u članstvo.

Uz zahtjev treba priložiti:

- 1) pismenu izjavu da prihvata Statut i druga normativna akta Kuglaškog saveza Federacije BiH,
- 2) rješenje nadležnog državnog organa kojim dokazuje svoj pravni subjektivitet, odnosno da je upisan u odgovarajući registar udruženja.

Član 9.

Povodom podnešenog zahtjeva donosi se rješenje, kojim zahtjev može biti uvažen ili odbijen.

Podnosilac zahtjeva postaje članom Kuglaškog saveza Federacije BiH donošenjem rješenja od strane nadležnog organa, kojim se usvaja zahtjev za članstvo u Kuglaškom savezu Federacije BiH.

Nadležni organ koji primi novi klub u članstvo Kuglaškog saveza Federacije BiH dužan je rješenje o prijemu dostaviti predsjedništvu KS FBiH i drugim organima u roku od 7 (sedam) dana.

2. Isključenje iz članstva

Član 10.

Članstvo u Kuglaškom savezu Federacije BiH prestaje ako kuglaški klub, na osnovu pismenog zahtjeva iskaže da ne želi biti udružena u Kuglaški savez Federacije BiH, gubitkom pravne sposobnosti ili na osnovu odluke Skupštine KS FBiH.

Članstvo u Kuglaškom savezu Federacije BiH pravnom licu prestaje i ukoliko je nadležni državni organ donio rješenje o prestanku rada ili brisanja iz odgovarajućeg registra.

Odlukom Skupštine KS FBiH osnovnoj članici prestaje svojstvo udružene organizacije ako Skupština KS FBiH ocjeni da ona svojim djelovanjem šteti interesima Kuglaškog saveza Federacije BiH i državi Bosni i Hercegovini u cjelini, odnosno ako ne izvršava svoje obaveze prema odredbama ovog statuta i drugim aktima Kuglaškog saveza Federacije BiH.

Član 11.

Postupak za isključenje iz Kuglaškog saveza Federacije BiH reguliše se Disciplinskim pravilnikom Kuglaškom savezu Federacije BiH, uz obezbjeđivanje dvostepenosti postupka.

Konačnu odluku o isključenju pravnog lica, ako je u pitanju zaštita zakonitosti, donosi Skupština KS FBiH, dvotrećinskom većinom članova Skupštine KS FBiH.

Prekršaji koji se sankcionišu mjerom isključenja iz Kuglaškog saveza Federacije BiH regulisani su Disciplinskim pravilnikom Kuglaškog saveza Federacije BiH.

IV. ORGANI KUGLAŠKOG SAVEZA FEDERACIJE BiH

Član 12.

Organi Kuglaškog saveza Federacije BiH su: Skupština, Upravni odbor i Nadzorni odbor .

Kuglaški savez Federacije BiH može, na način kojim donosi odluke, obrazovati i druge organe i tijela kojima se doprinosi efikasnijem i racionalnijem radu Kuglaškog saveza Federacije BiH.

1. Skupština KS FEDERACIJE BiH

Član 13.

Skupština KS FBiH je najviši organ Kuglaškog saveza Federacije BiH u okviru prava i dužnosti Kuglaškog saveza Federacije BiH.

Član 14.

Skupštinu čini 12 delegata iz klubova registrovanih u Kuglaški savez Federacije sa područja FBiH .

Skupština KS FBiH može punovažno odlučivati ukoliko je prisutno najmanje po 50% delegata iz stava 1. ovog člana.

Razvojem kuglaškog sporta (povećanjem broja klubova, organizovanje opštinskih, kantonalnih, regionalnih udruženja u kuglanju) i organizovanjem funkcionalnih organa u Kuglaškog saveza FBiH (trenerski, sudijski i dr.) Skupština KS FBiH može, na prijedlog članica, donijeti drugačiju odluku o načinu izbora i broja delegata u Skupštini KS FBiH.

Odluku iz stava 3. ovog člana Skupština KS FBiH donosi dvotrećinskom većinom prisutnih članova.

Član 15.

Skupština KS FBiH, u okviru prava i dužnosti Kuglaškog saveza Federacije BiH, vrši sljedeće poslove:

- donosi Statut Kuglaškog saveza Federacije BiH, izmjene i dopune Statuta, Poslovnik o svom radu i druge normativne akte Kuglaškog saveza Federacije BiH;
- odlučuje o pripajanju, razdvajanju, transformaciji, raspuštanju i prestanku rada, kao i o drugim statusnim promjenama;
- bira i opoziva predsjednika i potpredsjednika Skupštine Kuglaškog saveza Federacije BiH;
- bira i opoziva članove upravnog odbora KS FBiH;
- bira i opoziva Nadzorni odbor Kuglaškog saveza Federacije BiH (udaljem tekstu: Nadzorni odbor);
- bira i razrješava generalnog sekretara Kuglaškog saveza Federacije BiH (u daljem tekstu: generalni sekretar);
- razmatra i usvaja izvještaje Predsjedništva Kuglaškog saveza Federacije BiH i Nadzornog odbora;
- odlučuje o udruživanju Kuglaškog saveza Federacije BiH u druge sportske asocijacije na državnom nivou.

- donosi Program rada Kuglaškog saveza Federacije BiH;
- utvrđuje Program reprezentativnih selekcija Kuglaškog saveza Federacije BiH (ukoliko se za to ukaze potreba)
- utvrđuje sistem takmičenja u Kuglaškom savezu Federacije BiH;
- planira razvoj kuglaškog sporta u Federacije BiH;
- priprema dugoročne finansijske planove i daje smjernice za rad Upravnog odbora u KS Federacije BiH u ovoj oblasti;
- donosi odluku o nagradama i priznanjima;
- odlučuje o drugim pitanjima koja nisu u nadležnosti drugih tijela Kuglaškog saveza Federacije BiH.

Skupština Kuglaškog saveza Federacije BiH, u okviru svojih nadležnosti, u zaštiti zakonitosti može formirati svoje tijelo – arbitražu (Sportska arbitraža), čije su odluke konačne.

Član 16.

Skupština KS FBiH odluke donosi većinom prisutnih delegata.

Skupština KS FBiH odluke donosi dvotrećinskom većinom prisutnih delegata po pitanjima:

- planiranja razvoja kuglanja;
- utvrđivanja sistema takmičenja u kuglanju u Federacije BiH;
- donošenje Statuta i drugih akata Kuglaškog saveza Federacije BiH, kao i njihove izmjene i dopune.

Član 17.

Svaki član Skupštine KS FBiH ima pravo da učestvuje u radu Skupštine KS FBiH i u radu skupštinskih radnih tijela u koja je biran i da odlučuje o pitanjima iz njihove nadležnosti u skladu sa Statutom KS FBiH i Poslovnikom, odnosno posebnom odlukom.

Član 18.

Član Skupštine KS FBiH ima pravo:

- podnositi prijedlog akata i pokretati druga pitanja iz nadležnosti Skupštine KS FBiH;
- postavljati pitanja koja se odnose na rad Upravnog odbora KS FBiH, Skupštine KS FBiH, radnih tijela Skupštine KS FBiH i nosilaca funkcije u Kuglaškom savezu Federacije BiH;
- tražiti obavještenja i podatke koja su mu potrebna za vršenje dužnosti člana Skupštine KS FBiH;
- izvršavati odluke i zaključke Skupštine KS FBiH i njenih radnih tijela na način koji će doprinosti ostvarivanju ciljeva Kuglaškog saveza Federacije BiH.

Član 19.

Član Skupštine KS FBiH je dužan da redovno prisustvuje sjednicama Skupštine KS FBiH. O prisustvu sjednicama Skupštine KS FBiH vodi se evidencija.

Član 20.

Skupština KS FBiH može punopravno odlučivati ako sjednici prisustvuje nadpolovični broj delegata.

Glasanje u Skupštini KS FBiH je javno, ukoliko Skupština KS FBiH ne donese drugačiju odluku.

Odluke na Skupštini KS FBiH donose se većinom prisutnih delegata, ukoliko je prisutno najmanje utvrđen broj delegata prema odredbama člana 14. Statuta.

Član 21.

Mandat članova Skupštine KS FBiH, Upravnog odbora KS FBiH i Nadzornog odbora je 4 (četiri) godine.

Član 22.

Mandat članu Skupštine KS FBiH prestaje prije isteka vremena na koje je izabran:

- ostavkom ili
- opzivom.

U slučaju kada izabrani član Skupštine KS FBiH nije u mogućnosti da vrši povjerenu mu dužnost, klub ili kuglaška asocijacija može delegirati drugog člana i prije isteka utvrđenog mandata, uz prilaganje potvrde izbora.

Član 23.

Predsjednik Skupštine KS FBiH:

- predstavlja Kuglaški savez Federacije BiH;
- saziva sjednice Skupštine KS FBiH;
- stara se o provođenju odredaba Poslovnika, odnosno odluka Skupštine KS FBiH;
- rukovodi sjednicama Skupštine KS FBiH;
- vrši druge poslove za koje ga ovlasti Skupština KS FBiH.

U odsutnosti predsjednika Skupštine KS FBiH zamjenjuje ga podpredsjednik Skupštine KS FBiH.

Ako predsjednik ne sazove Skupštinu KS FBiH u vrijeme i na način utvrđen Statutom, Poslovníkom i Programom rada Skupštine KS FBiH, Skupštinu KS FBiH može sazvati Predsjedništvo KS FBiH, Nadzorni odbor ili najmanje 1/3 članova Skupštine KS FBiH.

Skupština KSFBiH se može sazvati i na vanredno zasjedanje kada to nalažu posebne okolnosti, a mogu je sazvati organi i članice iz prethodnog stava.

Član 24.

Svake četvrte godine saziva se izborna Skupština KS FBiH.

Skupština KS FBiH se saziva najmanje jedanput godišnje.

Skupština KS FBiH se saziva najmanje 30 (trideset) dana prije datuma održavanja, a poziv sa dnevnim redom i materijalima mora se dostaviti članovima Skupština KS FBiH najmanje 15 (petnaest) dana prije datuma održavanja.

Način rada Skupštine KS FBiH i druga pitanja iz djelokruga njenog rada bliže se regulišu Poslovníkom o radu Skupštine KS FBiH.

Član 25.

Prilikom odlučivanja na sjednicama organa Kuglaškog saveza Federacije BiH, kada pojedini članovi imaju različito mišljenje ili stav od onog koji je usvojen, svoje mišljenje ili stav mogu zapisnički izdvojiti, ali su usvojeno dužni provoditi.

Član 26.

Kandidate za predsjednika i podpredsjednika Skupštine KS FBiH, članove Upravnog odbora KS FBiH i Nadzornog odbora predlažu članice Kuglaškog saveza Federacije BiH. Predsjednik i potpredsjednik Skupštine se biraju glasanjem prisutnih članova.

Za svaku od funkcija iz prethodnog stava može se predložiti jedan ili više kandidata.

Izabran je onaj kandidat koji je dobio većinu od ukupnog broja prisutnih članova Skupštine KS FBiH.

Mandata predsjednika i podpredsjednika Skupštine KSFBiH traje 4 godine.

Član 27.

Radi razmatranja prijedloga odluka i drugih akata, kao i drugih pretresanja pitanja ili za donošenje određenih konkretnih zaključaka ili rješenja na osnovama opštih akata Skupštine KS FBiH, Skupština KS FBiH može obrazovati svoja radna tijela.

Sastav, djelokrug i druga pitanja od značaja za rad radnih tijela Skupštine KS FBiH uređuje se Poslovníkom ili posebnim odlukama.

2. Nadzorni odbor

Član 28.

Kuglaški savez Federacije BiH radi praćenja zakonitosti u radu ima Nadzorni odbor čije članove imenuje Skupština KSFBiH.

Nadzorni odbor čine predsjednik i najmanje dva člana, što Skupština KS FBiH reguliše posebnom odlukom.

Članovi Nadzornog odbora ne mogu biti članovi Skupštine KS FBiH.

Član 29.

Zadaci Nadzornog odbora su da:

- obježbjedi doslovno primjenjivanje Statuta i drugih opštih akata Kuglaškog saveza Federacije BiH i spriječi njihovo kršenje i zloupotrebu;
- kontroliše sprovođenje odluka i zaključaka organa Kuglaškog saveza Federacije BiH;
- kontroliše materijalno poslovanje Kuglaškog saveza Federacije BiH i provodi mjere za zaštitu zakonitosti u radu organa Kuglaškog saveza Federacije BiH.

Upravni odbor KS FBiH, članice Kuglaškog saveza Federacije BiH, generalni sekretar, komisije, stručni organi, komesari i namještenici u KS FBiH dužni su da Nadzornom odboru stave na raspolaganje traženu dokumentaciju i pruže svu potrebnu pomoć u radu.

Nadležni organi Kuglaškog saveza Federacije BiH obavezni su da razmotre nalaze Nadzornog odbora i postupe po njihovim nalazima. U slučajevima nesaglasnosti sa nalazima Nadzornog odbora konačnu odluku donosi Skupština KS FBiH.

Član 30.

Stavove, mišljenje i prijedloge Nadzorni odbor utvrđuje većinom glasova članova Nadzornog odbora.

Nadzorni odbor o svom radu izvještava Skupštinu KSFBiH najmanje jedanput godišnje.

3. Upravni odbor KS Federacije BiH

Član 31.

Upravni odbor KS FBiH čini do (pet ili sedam) članova koji se biraju iz reda sportskih, društvenih i javnih radnika i istaknutih privrednika.

Upravni odbor KS FBiH ima predsjednika i podpredsjednika koji se rotiraju nakon dvije godine.

Član 32.

Upravni odbor KSFBiH donosi konkretne odluke po smjernicama i odlukama Skupštine KSFBiH i iz vlastite nadležnosti, a naročito vrši:

- pripremu sjednice Skupštine KSFBiH;
- pripremu nacrt Statuta u drugih akata koje donosi Skupština KSFBiH;
- raspolaganje imetkom Kuglaškog saveza Federacije BiH, te donosi odgovarajuće finansijske planove;
- na razradi i provođenju sistema takmičenja u Federacije BiH;
- izbor delegacije Kuglaškog saveza Federacije BiH u **Upravni odbor** KS Bosne i Hercegovine.
- za prijavljivanje ekipa i pojedinaca za državna takmičenja;
- o prijavama za organiziranje i učešću na svim državnim takmičenjima;
- priprema izvještaj o radu Skupštini KS FBiH;
- donosi konačne odluke iz svoje nadležnosti po žalbama;
- donosi prvostepene i drugostepene odluke iz svoje nadležnosti;
- bira svoja radna tijela i komisije (za tehničke, sudijske, registracijske, disciplinske i druge poslove);
- bira Stručni savjet Kuglaškog saveza Federacije BiH,
- donosi Poslovnik o radu, kojim se određuje i način odlučivanja;
- radi i druge poslove od značaja za unapređenje kuglaškog sporta u Federaciji BiH.

Član 33.

Upravni odbor KS FBiH rukovodi poslovima Kuglaškog saveza Federacije BiH između sjednica Skupštine KSFBiH.

Upravni odbor KSFBiH se sastaje po potrebi, a najmanje jednom u tri mjeseca.

Sjednicama **Upravni odbor** KSFBiH rukovodi predsjednik **Upravnog odbora** KSFBiH, a u slučaju njegove spriječenosti podpredsjednik.

Član 34.

Upravni odbor KS FBiH ili ponaosob svaki član **Upravnog odbora** KS FBiH može se razriješiti i prije isteka mandata u slučaju:

- kada ne radi(e) u skladu sa Statutom i drugim aktima Kuglaškog saveza Federacije BiH;
- kada iz bilo kojih razloga ne obavlja povjerene zadatke;
- kada po sopstvenoj želji zatraži zamjenu ili podnesu(e) pismenu ostavku, koja se ne razmatra nego se samo konstatuje.

Ukoliko **Upravni odbor** KS FBiH podnese ostavku ono će nastavljati raditi do sazivanja Skupštine KS FBiH.

Član 35.

Izabrana tijela **Upravni odbor** KS FBiH za određene poslove rješavaju pitanja iz svoje nadležnosti u prvostepeno postupku, a **Upravni odbor** KS FBiH u drugostepenom.

Član 36.

Za obavljanje stručnog rada u Kuglaškom savezu Federacije BiH **Upravni odbor** KSFBiH će izabrati Stručni savjet KS FBiH kao stalno radno tijelo. Posebnim aktom **Upravni odbor** KS FBiH će odrediti sastav i djelokrug rada Stručnog savjeta KS FBiH.

4. Generalni sekretar KS BiH

Član 37.

Kuglaški savez Federacije BiH ima sekretara.
Sekretara imenuje Skupština KS FBiH na period od četiri godine.

Član 38.

Sekretar vrši sljedeće poslove i zadatke:

- priprema i organizuje pripremu za izradu normativnih akata i drugih materijala koji se razmatraju na sjednicama Skupštine KS FBiH, njenim radnim tijelima, sjednicama **Upravnog odbora** i drugim organima Kuglaškog saveza Federacije SBiH;
- sprovodi ili prati sprovođenje odluka organa Kuglaškog saveza Federacije BiH;
- vodi brigu o zakonitom radu organa Kuglaškog saveza Federacije BiH;
- organizuje pripremu sjednica organa Kuglaškog saveza Federacije BiH;
- zastupa Kuglaški savez Federacije BiH po ovlaštenju predsjednika Skupštine KS FBiH i predsjednika Predsjedništva KS FBiH;
- vodi evidenciju potpisanih ugovora između klubova i igrača Premijer lige;

- vodi poslove iz oblasti registracije klubova i igrača/ica.

Sekretar vrši i druge poslove i zadatke za koje ga u skladu sa svojim nadležnostima ovlaste organi Kuglaškog saveza Federacije BiH.

Sekretar je dužan da prisustvuje sjednicama Skupštine KS FBiH i Upravnog odbora KS FBiH.

Za svoj rad generalni sekretar odgovoran je Upravnom odboru KS FBiH i Skupštini KS FBiH.

5. Prestanak rada Kuglaškog saveza Federacije BiH

Član 39.

Kuglaški savez Federacije BiH prestaje sa radom odlukom nadležnog državnog organa u skladu sa Zakonom.

Kuglaški savez Federacije BiH može prestati sa radom i odlukom Skupštine KS FBiH. Odluka o prestanku rada donosi se dvotrećinskom većinom od ukupnog broja članova Skupštine KS FBiH.

V. FINANSIJE

Član 40.

Sredstva za svoj rad Kuglaški savez Federacije BiH ostvaruje:

- putem članarina i kotizacija svojih članica;
- iz budžeta Federalnih i državnih organa;
- od sponzorstava i donacija;
- od vlastitih sporednih djelatnosti, namjenjenih za razvoj kuglaškog sporta;
- na druge načine u skladu sa zakonom.

Član 41.

Obim i namjena finansijskih sredstava utvrđuje se finansijskim planom za svaku godinu.

Sredstvima iz člana 40. ovog statuta raspolaže Upravni odbor KS FBiH.

Nadzor nad korištenjem sredstava Kuglaškog saveza Federacije BiH vrši Nadzorni odbor.

Član 42.

Finansiranje svih potreba klubova iz člana 5. stav 3. ovog statuta snose sami klubovi – udružioi.

Sredstva iz kotizacija članova Premijer lige ne mogu se koristiti za troškove klubova iz stava 1. ovog člana, što zahtjeva posebno interno vođenje troškova i knjigovodstva.

VI. JAVNOST RADA

Član 43.

Rad Skupštine KS FBiH i njenih radnih tijela, kao i Upravnog odbora KS FBiH i drugih organa i tijela Kuglaškog saveza Federacije BiH je javan.

Član 44.

Javnost rada organa i tijela Kuglaškog saveza Federacije BiH obezbjeđuje se naročito:

- javnim održavanjem sjednica;
- blagovremenim i objektivnim informisanjem udruženih članica;
- obavješćavanje javnosti o aktivnostima organa Kuglaškog saveza Federacije BiH;
- stalnom saradnjom sa predstavnicima sredstava javnog informisanja;
- objavljivanjem odluka organa Kuglaškog saveza Federacije BiH.

Član 45.

Organi Kuglaškog saveza Federacije BiH samo u posebnim uslovima i slučajevima mogu raditi bez prisustva javnosti.

VII. PROMJENA STATUTA

Član 46.

O izmjeni i dopuni Statuta odlučuje Skupština KS FBiH.

Promjenu Statuta može predložiti najmanje 1/3 od ukupnog broja članova Skupštine KS FBiH, Nadzorni odbor ili Upravni odbor KS FBiH.

Član 47.

Prijedlog akta o promjeni Statuta je usvojen ako je za njega glasala dvotrećinska kvalifikovana većina Skupštine KS FBiH.

Član 48.

Ostale izmjene akata Kuglaškog saveza Federacije BiH Skupština KS FBiH donosi, također, dvotrećinskom kvalifikovanom većinom članova Skupštine KS FBiH.

VIII. ZNAK, ZASTAVA I PEČAT KUGLAŠKOG SAVEZA BIH

Član 49.

Kuglaški savez Federacije BiH ima svoj znak i pečat.

Član 50.

Znak Kuglaškog saveza Federacije BiH je okrugao , lijeva strana plave a desna strane žute boje u sredini ćunj i slovima ispisano KSFBiH.

Pečat Kuglaškog saveza Federacije BiH je okrugao prečnika 3 cm, sa znakom KS FBiH u sredini i ispisanim rječima Kuglaški savez Federacije Bosne i Hercegovine – Sarajevo.

Za ovjeru akata i dokumenata Kuglaškog saveza Federacije BiH ima mali pečat promjera 1,5 cm, indentičnog sadržaja kao i pečat iz stava 3. ovog člana.

IX. ZASTUPANJE I PREDSTAVLJANJE KUGLAŠKOG SAVEZA FEDERACIJE BIH

Član 51.

Kuglaški savez Federacije BiH predstavlja i zastupa predsjednik Skupštine, a u njegovoj odsutnosti podpredsjednik Skupštine i predsjednik Upravnog odbora KS FBiH.

Kuglaški savez Federacije BiH predstavlja i sekretar Kuglaškog saveza Federacije BiH.

X. UDRUŽIVANJE I DRUGE STATUSNE PROMJENE

Član 52.

U skladu sa Statutom Kuglaškog saveza Federacije BiH, Kuglaškog saveza BiH, Zakonom i drugim aktima Kuglaški savez Federacije BiH se udružuje i u druga sportska udruženja i asocijacije u zemlji.

Odluku o udruživanju donosi Upravni odbor KS FBiH po ovlaštenju Skupštine KS FBiH kvalifikovanom dvotrećinskom većinom članova.

Za druge statusne promjene u Kuglaškom savezu Federacije BiH utvrđene u članu 12. stav 1. tačka j) Zakona o udruženjima i fondacijama BiH uslov je da ga predloži neki od organa Kuglaškog saveza Federacije BiH sa prijedlogom postupka.

Odluku o statusnim promjenama iz stava 3. ovog člana donosi Skupština Kuglaškog saveza Federacije BiH dvotrećinskom većinom broja delegata utvrđenih u članu 14. stav 1. Statuta.

XI. IMOVINA KUGLAŠKOG SAVEZA FEDERACIJE BiH PO PRESTANKU RADA

Član 53.

U slučaju raspuštanja ili prestanka rada Kuglaškog saveza Federacije BiH i izmirenja obaveza koje je imao, preostalu imovinu i sredstva Kuglaški savez Federacije BiH podijelit će registrovanom udruženju(ima) od javnog interesa ili fondaciji, koja ima(ju) iste ili slične ciljeve.

XII. PRELAZNE I ZAVRŠNE ODREDBE

Član 54.

U slučaju promjene Statuta, nakon donošenja njegovih izmjena i dopuna, kao i drugih promjena u Kuglaškom savezu Federacije BiH u skladu sa Zakonom, Kuglaški savez Federacije BiH je dužan u roku od 30 (trideset) dana o tome obavijestiti organ, koji mu je izdao rješenje o registraciji.

Član 55.

Statut udruženih članica i drugi normativni akti Kuglaškog saveza Federacije BiH i udruženih članica moraju biti u skladu sa ovim statutom. Statuti i drugi akti udruženih članica i drugi akti Kuglaškog saveza Federacije BiH moraju biti usklađeni sa ovim statutom u roku od 90 (devedeset) dana.

Član 56.

Statut Kuglaškog saveza Federacije BiH usvojen je na sjednici Skupštine KS FBiH održane 26.08.2010. stupa na snagu 8 (osam) dana od dana usvajanja.

**PREDSJEDNIK
SKUPŠTINE KS FBiH**
